

ქალაქ ფოთის მუნიციპალიტეტის მერის ანგარიში 2022 წელს გაწეული მუშაობის შესახებ

ოქმი

ქალაქი ფოთი

24.12.2022

შეხვედრა შედგა ქალაქ ფოთის მრავალფუნქციური საცურაო კომპლექსის დარბაზში 2022 წლის 24 დეკემბერს 16:00-სთ-ზე.

ქალაქ ფოთი მუნიციპალიტეტის მერის 2022 წლის სამუშაო ანგარიშის მოსმენას ესწრებოდნენ ქალაქ ფოთის მუნიციპალიტეტის მერის მოადგილეები დავით კვიციანი, მამუკა პაპასვირი, ლექსო თოდუა. ქალაქ ფოთის მუნიციპალიტეტის საკრებულოს თავმჯდომარე ალექსანდრე ტყებუჩავა, საკრებულოს წევრები, ქალაქ ფოთის მუნიციპალიტეტის მერიის სამსახურების, ა(ა)იპ-ებისა და შპს-ების ხელმძღვანელები, მოქალაქეები, პედაგოგები, ბიზნეს სექტორის, არასამთავრობო სექტორისა და სამედიცინო სფეროს წარმომადგენლები.

დღის წესრიგი

ქალაქ ფოთის მუნიციპალიტეტის მერიის მიერ 2022 წელს გაწეული მუშაობის, გატარებული ღონისძიებების ანგარიში და მომავალ წელს დაგეგმილი პროექტების/პროგრამების გაცნობა.

მომხსენებელი ქალაქ ფოთის მუნიციპალიტეტის მერი ბექა ვაჭარაძე.

ქალაქ ფოთის მუნიციპალიტეტის ბიუჯეტი 2022 წელს 28,3 მილიონ ლარს შეადგენდა.

ქალაქ ფოთის მუნიციპალიტეტის მერმა ქალაქის ურბანული და ინფრასტრუქტურული განვითარებისა და საზოგადოებრივი ტრანსპორტის თემებზე გაამახვილა ყურადღება. ამ კუთხით ქალაქის ბიუჯეტიდან 9,1 მლნ. ლარი გაიხარჯა.

გადაიხურა 25 მრავალბინიანი სახლი, მოასფალტდა 6 ქუჩა და ფრაგმენტულად შეკეთდა-24, აიგო ახალი სატუმბი სადგური.

სარეაბილიტაციო სამუშაოები ჩატარდა სკოლამდელ და სასკოლო დაწესებულებებში.

სპორტულ ინფრასტრუქტურაზე დაიხარჯა 797 ათასი ლარი.

ცენტრალური პარკის ინფრასტრუქტურის მოწყობაზე (შადრევანი და ავტოდრომი) დაიხარჯა 455 ათ ლ.

განახლებული რეგიონების პროგრამის ფარგლებში რეაბილიტაცია ჩაუტარდა 25 შენობას, მათ შორის 13 კულტურული მემკვიდრეობის ძეგლია. ამ მიზნით მუნიციპალური განვითარების ფონდიდან 14,5 მლნ ლარი იქნა გახარჯული.

ქალაქ ფოთის მუნიციპალიტეტის მერმა ყურადღება გაამახვილა ჯანმრთელობისა და სოციალური დაცვის კუთხით გატარებულ ღონისძიებებზე, რისთვისაც ქალაქის ბიუჯეტიდან 4,6 მლნ. ლარი გაიხარჯა და ფულადი დაფინანსება მიიღო 4 819 ბენეფიციარმა.

ქალაქში შემუშავდა 2022-2027 წლების კულტურის სტრატეგია.

ქალაქმა გაიმარჯა საგრანტო კონკურსში და პროექტი კულტურის განვითარების ხელშეწყობისთვის ევროკავშირის მიერ 30 ათასი ევროთი დაფინანსდა.

ფოთელი სტუდენტების მხარდაჭერის მიზნით, სტიპენდიების სახით 30 ათას ლარზე მეტი გამოიყო.

ქალაქი ჩართულია ისეთ საერთაშორისო პროექტებში როგორიცაა:

- . NDI ღია მსოფლიოს პროგრამის პროექტი;
- . მერების შეთანხმება კლიმატისა და ენერგეტიკისთვის აღმოსავლეთ პარტნიორობა;
- . UNIDO ს მისია მზის ენერგიის გამოყენების ხელშეწყობა და მზის ფოტოელექტრული სისტემების დაწერება მუნიციპალური ეკონომიკის დონეზე;

ბექა ვაჟარაძემ დამსწრეთა შეკითხვებს უპასუხა და სამომავლო გეგმებზე ისაუბრა.

ბექა ვაჟარაძე



ოქმის შემდგენი

ქალაქ ფოთის მერიის ადმინისტრაციული სამსახურის საქმისწარმოების განყოფილების უფროსი ნარგიზა გაბელია